

跟住 牙箭 去住Hall

文：小薯皮
排：oi

古語有云：「住Hall如賭博」，喺嶺南呢個必宿嘅地方，呢句說話更易體現到。首先係因為唔知道自己最後會派咗去邊棟Hall，然後又唔會知你嘅未來roommate係點（此適用於year1或者有自選roommate嘅同學仔），當然後者先係重點。

以下係小編想同大家分享嘅真人真事，如有雷同，請對號入座。

事源係小編有個fd（下稱「幼玲」），上年year1，咁就當然冇得揀roommate要聽天由命啦。初初NSO入Hall嗰陣，一入到去就發現佢roommate（下稱「一心」）已經早佢一步到達仲擺好晒嘢，但咁啱行開咗未見真身，淨係見到一心嘅嘢擺得好整齊，即刻個第一印象唔錯。然後等多陣一心返嚟，都幾nice正正常常咁，大家都即刻打個招呼自我介紹吓。小編同佢哋住埋同一層，而一心又知道佢roommate乃係小編嘅朋友子，所以嗰時有時撞到都會吹吓水咁，大家都相處得幾融洽。

可惜，原來一切是泡影，少年真的太年輕。

日子一日一日咁過，一心就愈嚟愈遲返。本身遲返都唔算係一個大問題，住得Hall都預咗大家作息未必一致，但佢每晚返到嚟都勁大聲咁喺度搞呢樣搞嗰樣，成日都會嘈醒剛入睡嘅幼玲。更頂癮嘅係，佢竟然可以唔沖涼，仲要唔止一晚！幼玲開始對一心感到不滿但幼玲不說，畢竟都仲有排對，費是咁快攤牌之後會一直面阻阻，唯有寄望一心可以自己醒水。

但原來，沒有最差只有更差，一心不單止唔醒水，嘅行為仲愈嚟愈難忍。一開始擺得好整齊嘅嘢繼續係好整齊，因為根本就冇用過，封到成尺塵。而其他嘢就亂咁擺，pat到周圍都係，平時煮完嘢食又唔洗返乾淨至出門口，佢個位又亂又污糟，搞到間房一陣味，有啲唔知咩漬喺度又唔抹，quit hall後辛苦清潔姐姐幫佢執手尾……而唔知由幾時開始，一心見到小編就方向口面咁，而我不知這是甚麼一回事。

可能睇到呢度，大家都覺得碎料嚟啫，大驚小怪！冇錯，以上講嘅都只係頭盤，跟住落嚟至係主菜。

每次放完假返去都總會係有驚無喜，真係鑊鑊新鮮鑊鑊金。而話說之前考試返去嗰陣，幼玲就發現自己個位多咗啲嘢又少咗啲嘢咁，悲劇嘅係多咗啲一心嘅嘢，但少咗啲自己嘅嘢。你可能又心諗，好聞啫，呢啲事成日都發生咖啦，擺枝筆嚟

用吓，擺個水壺去你度咋嘛，就手啫，洗咪咁#小器鬼啊，不用分得那麼細啦。咁諗就錯啦，呢件事並唔係咁簡單！當幼玲一開門，立刻映入眼簾嘅畫面，係自己嘅枕頭喺一心張牀度，自己個煲係就係喺自己張枱度，但就油淋淋明顯係用完就咁攤喺度未洗加刮花埋，張枱仲要有啲嘢食漬喺度，自己張牀又有啲唔係自己嘅內衣，嗰下係幾咁衝擊，真係欲哭無淚。

幼玲心裡有話而幼玲今次要說啦！不過一心唔係房，唯有等佢返嚟當面對質，一股熾烈嘅怒火準備要爆發啦。一心終於返到嚟，幼玲就問一心做乜拎咗佢個煲去用，一心竟然答話係晏晝太急所以冇洗，而唔係即刻從實招來話冇問過就攤咗，真係唔好意思啊之類嘅說話，咁蒼白嘅解釋喺幼玲再追問做乜唔問咗佢先擺嘅情況下，一心當然無言以對。本身諗住可以好頭好尾，臨quit hall返張相留念嘅幼玲，喺呢個moment真係影唔落而決定放棄了，最後都不歡而散。

唔知大家對於以上事件有咩感覺，小編就覺得真係非常之難以接受啦，當然唔排除仲有更多小編未聽過而更加令人震驚嘅事跡啦。Hall確實係個欣賞人生百態、令人長知識嘅地方，但都要睇你命水，好彩嘅當然可以開心笑開心玩，好好享受Hall life啦；但唔好彩嘅話可能就會好似幼玲咁，真係來回地獄又折返人間，或者會寧願經常遠征歸家，都唔想多留一刻喺Hall，所以話住Hall真係場賭博遊戲嚟。

喺面對對方一啲難以令人忍受嘅行為，但又想顧全同roommate之間嘅關係嘅人生嗎又點中，大家又會點揀呢？呢個真係個具哲理嘅人生大課題。而小編就一直秉持住自律、守禮、守規嘅大原則，同roommate關係尚算不錯，小編is smart，Be like小編。

